

賀方回詞

賀方回詞

卷一

羅敷歌 五首

小重山 四首

河傳 二首

侍香金童

鳳棲梧

金人捧露盤

更漏子

滿江紅

玉京秋

水調歌頭

蕙清風

虞美人

下水船

點絳脣

漁家傲

感皇恩

菩薩蠻

十一首

于飛樂

浣溪沙

品令

感皇恩

海月謠

風流子

鷓鴣天

憶仙姿

九首

鳳棲梧

洛陽春

琴調相思引

芳草渡

雨中花

花心動

浪淘沙

四首

夜遊宮

憶仙姿 二首

菱花怨

望揚州

定情曲

擁鼻吟

思越人

青玉案

清平樂 三首

卷二

木蘭花 二首

減字木蘭花 四首

攤破木蘭花 二首

南鄉子

臨江仙

羅敷歌

點絳脣

南歌子 二首

小重山

清平樂 二首

木蘭花

玉連環

惜奴嬌

驀山溪

琴調瑤池燕

西江月

攤破木蘭花

點絳脣

訴衷情 二首

怨春風 三首

醉春風

憶秦娥 四首

河滿子

御街行

連理枝

金鳳鉤

芳洲泊

水調歌頭

攤破浣溪沙

江南曲 三首

樓下柳

吳門柳 二首

雁後歸 三

念線雲

燭影搖紅

小重山

綠頭鴨

減字浣溪沙 十五首

琴調相思引

賀方回詞卷第一

知不足齋校本

羅敷歌

五首

亦名採桑子

高樓簾捲秋風裏
目送斜陽衾枕遺香
今夜還如昨夜長
玉人望月銷凝處
應在西廂半掩蘭堂
惟有紗燈伴繡牀

二

河陽官罷文園病
觸緒蕭然犀塵留連
喜見清蟾似舊圓
人生聚散浮雲似
回首明年何處尊前
悵望星河共一天

三

東南自古繁華地歌吹揚州十二青樓最數秦娘
第一流季鷹久負鱸魚興不住今秋已辦歸舟
伴我江湖作勝游

四

自憐楚客悲秋思難寫絲桐目斷書鴻平淡江山
落照中誰家水調聲聲怨黃葉西風罨畫橋東
十二玉樓空更空

五

東亭南館逢迎地。幾醉紅裙。悵怨臨分。四疊陽關
忍淚聞。誰憐今夜蓬窗雨。何處漁邨。酒冷燈昏
不許愁人不斷魂。

小重山

四首

玉指金徽一再彈。新聲傳訪戴雪溪。寒雨行墨妙
破冰紉牽情處。幽恨寄毫端。昵語強羞難相逢
真許似鏡中鸞。小梅疎影近杯盤。東風裏誰共倚
闌干。

簾影新妝一破顏。玳筵回雪舞小雲鬟。瓊枝秀擢
望難攀。凝情處千里望蓬山。歌斷酒闌。珊畫船
簫鼓轉綠楊灣。墜鈿殘。燎水堂關。斜陽裏雙燕伴
人閑。

三

枕上闌門五報更。蠟燈香灺冷。恨天明青蘋風轉
絲帆輕。橋頭燕多謝。伴人行。臨鏡想傾城。雨尖
愁黛淺。淚波橫。豔歌重記遣。離情纏絲處。翻是斷
腸聲。

四

月月相逢祇舊圓
迢迢三十夜夜如年
傷心不照綺羅筵
孤舟裏單枕若為眠
茂苑想依然花樓
連苑起壓漪漣
玉人千里共嬋娟
清琴怨腸斷亦如絃

河傳 二首

華堂張燕向尊前
妙選舞裙歌扇
彼美箇人的的
風流心眼恨尋芳來晚
曲街燈火香塵散
猶約晨妝一覩
春風面惆悵
善和坊裏平橋南畔
小青

樓簾不捲

二

華堂重廈向尊前更聽碧雲新怨玉指鈿徽總是
挑人心眼恨隨紅蠟短綵旗影動船頭轉雙槳
凌波惟念人留戀江上暮潮隱隱山橫南岸柰離
愁分不斷

侍香金童

楚夢方回翠被寒如水尚想見揚州桃李姿秀韻
閑何物比玉管秋風漫聲流美燕堂開雙按秦

弦呈素指寶雁參差飛不起三五彩蟾明夜是屈
曲闌干斷腸千里

鳳樓格

獨立江東人婉孌粉本花真千里依稀見閑弄彩
毫濡玉硯纏絲春思□歌扇愛我竹窗新句鍊
小砑綾牋偷寄西飛燕乍可問名賒識面十年多
病風情淺

金人捧露盤

控滄江排青嶂燕臺涼駐線伏樂未渠央巖花磴

夢姬妍千門珠翠倚新妝舞闌歌悄恨風流不管餘
香繁華夢驚俄頃佳麗地指蒼茫寄一笑何與
興亡量船載酒賴使君相對兩胡牀緩輕調清管更
為儂三弄斜陽

更漏子

芳草斜曛映畫橋接□□翠閣臨津數闌清歌兩行
紅淚厭厭別酒初醺芳意贈我殷勤羅巾雙黛痕
使蘭舟獨上洞府人間素手輕分十里綺陌香
塵望紫雲車遠已掩青門遙遞黃昏景陽鍾動臨

大
廷
英

風隱隱猶聞明朝水館漁邨憑誰招斷魂恨不如
今夜明月多情應待歸雲

· 滿江紅

火禁初開深深院幾重簾箔人自起翠衾寒夢夜
來風惡腸斷殘紅和淚落半隨輕雨飄池角記採
蘭攜手曲江游年時約芳物大都如昨自送遠
疎行樂嗟無情雙燕短封難託誰念東陽銷瘦骨
更堪白苧衣衫薄向小窗題滿杏花牋傷春作

玉京秋

隴首霜晴泗濱雲晚乍搖落廢樹蒼苔破臺荒草
西楚霸圖冥漠記登臨事几日勝游千載如昨更
想像晉客□歸謝生能賦繼高作飄泊塵埃倦
客風月羈心潘鬢曉來清鏡覺蠟屐綸巾羽觴象
管且追隨隼旟行樂東山□應笑箇儂風味薄念
故園黃花自有年年約

水調歌頭

南國本瀟灑六代浸豪奢臺城游冶襞牋能賦屬
宮娃雲觀登臨清夏壁月留連長夜吟醉送年華

回首飛鴛瓦，卻羨井中龜。訪烏衣，成白社，不容
車。舊時王謝堂前，雙燕過誰家。樓外河橫斗，挂淮
上潮平，霜下檣影落寒沙。商女蓬窗，罇猶唱後庭
花。

蕙清風

何許最悲秋，風殘照、臨水復登山。莞然西笑，車馬
幾番塵，自古長安道。問誰是後來年少。飛集雨，
悠悠江濱海島。乘雁與雙鳬，強分多少傳語酒家。
胡歲晚，從吾好，待做箇醉鄉遺老。

虞美人

粉娥齊飲千金笑，愁結眉峰小。
渭城纔唱浥輕塵，無奈兩行紅淚濕香巾。
傷心風月南城道，幾縱朱轡到明年。
載酒洛陽春，還念淮山樓上倚闌人。
下水船

芳草青門路，還拂京塵東去。
回想當年離緒，送君南浦。
愁幾許，尊酒留連薄暮。
簾捲津樓風雨，凭闌語。
草草蘄臯賦，分首驚鴻不駐。
燈火虹橋難尋，弄波微步。
謾凝佇，莫怨無情流水。
明日扁舟何處。

點絳脣

見面無多坐來百媚生餘態後庭春在折取殘紅
戴小小蘭舟蕩槳東風快和愁載纏絲難解不
似羅裙帶

漁家傲

莫厭香醪斟繡履吐茵也是風流事今夜夜寒愁
不睡披衣起挑燈開卷花生紙倩問尊前桃與

李重來若箇猶相記前度劉郎應老矣行樂地兔

葵燕麥春風裏

臨淮席上有客自請履飲之已輒
嘔有所歡願召之既見如昧平生

者是夜以病目命暮察
主席因賦此以譚二客

感皇恩

歌笑見餘妍情生眄睐擁髻揚蛾黛多態小花深
院漏促離襟將解惱人紅蠟淚啼相對芳草喚
愁愁來難柰蘭葉猶堪向誰採小樓妝晚應念斑
雕何在碧雲長有待斜陽外

菩薩蠻

十一首

綵舟載得離愁動無端更借樵風送波渺夕陽遲
銷魂不自持良宵誰與共賴有窗間夢可柰夢

回時一番新別離

二

章臺遊冶金龜婿歸來猶帶醺醺醉
夜漏怯春宵雲幙無限嬌絳紗燈影背
玉枕釵聲碎不待宿醒消馬嘶催早朝

三

曲門南與鳴珂接小園綠徑飛胡蝶
下馬訪嬋娟笑迎妝閣前鷓鴣聲幾疊
澹金蕉葉未許破香鞦月生樓外天

四

綠窗殘夢聞鷓鴣曲
幃映枕春山疊梳
髮如蟬鏡生波上蓮
絳裙金縷摺學舞腰
肢怯簾下小
凭肩與人雙翠鈿

五

綠楊眠後拖煙穗
日長掃盡青苔地
香斷入簾風
爐心檀爇紅
蘭谿脩被袂上巳
明朝是不許放
春慵景陽臨曉鐘

六

粉香映葉花羞日
窗間宛轉蜂尋蜜
歡罷捲簾時
玉纖勻面脂
舞裙金斗熨
絳纈駕鴛密翠帶一
雙垂
索人題豔詩

七

子規啼夢羅窗曉
開簾拂鏡嚴妝早
彩碧畫丁香

背垂裙帶長
鈿箏尋舊曲
愁結眉心綠
猶恨夜來時
酒狂歸太遲

八

虛堂向壁青燈滅
覺來驚見橫窗月起
看月平西

城頭烏夜啼 蘭衾羞更入欹枕偷聲泣腸斷數
殘更望明天未明

九

芭蕉襯雨秋聲動羅窗惱破鴛鴦夢愁倚透簾櫳
燈花落地紅 枕橫衾浪擁好夜無人共莫道粉
牆東蓬山千萬重

十

朱甍碧樹鶯聲曉殘醺殘夢猶相惱薄雨隔輕簾
寒侵白紵衫 錦幘人起早惟見餘妝好眉樣學

新蟾春愁入翠尖

十一

爐煙微度流蘇帳孤衾冷疊芙蓉浪蟋蟀不離牀
伴人愁夜長玉人飛閣上見月還相望相望莫
相忘應無未斷腸

于飛樂

日薄雲融滿城羅綺芳叢一枝粉淡香濃幾銷魂
偏健美紫蝶黃蜂繁華夢斷酒醒來掃地春空
武陵原回頭向處情隨流水無窮寄雨行清淚想

幾許殘紅惜花人老年年柰依舊東風

沈溪沙

雙鶴橫橋阿那邊靜坊深院閑嬋娟五度花開三
處見雨依然水嗎難禁頻領棹歌雲猶許小留
連破得尊前何限恨不論錢

品令

懷彼美愁與淚分占眉聚服尾求好夢閑擁鴛鴦
綺恨啼鳥喚人起目斷清淮樓上心寄長洲坊
裏迢迢地七百三十里幾重山幾重水

感皇恩

蘭芷滿芳洲。游絲橫路。羅韞生塵步。迎顧整鬟顰黛。脈脈雨情難語。細風吹柳絮。人南渡。回首舊游山。無重數。花底深朱戶。何處半黃梅子。向晚一簾煙雨。斷魂分付與春將去。

海月謠

樓平疊巘瞰瀛海。波三面。碧雲掃盡。桂輪洗玉鯨波。張練化出無邊寶界。是名壯觀。追游汗漫。願少借長風。便麻姑相顧。奈笑指寒潮清淺。頓覺蓬

萊方丈去人不遠

風流子

何處最難忘方豪健放樂五雲鄉彩筆賦詩禁池
芳草香韞調馬輦路垂楊綺筵上扇偎歌黛淺汗
浥舞羅香蘭燭伴歸繡輪同載閑花別館隔水深
廊零落少年場琴心漫流怨帶眼偷長無奈占
牀燕月侵鬢吳霜念北里塵音魚封永斷便橋煙
雨鶴表相望好在後庭桃李應記劉郎

鷓鴣天

羣醉玉孫璫瑁筵渴虹垂地吸長川側商調裏清
歌送破盡窮愁直幾錢孤棹艤小江邊愛而不
見酒中仙傷心兩岸官楊柳已帶斜陽又帶蟬

憶仙姿

九首

白紵春衫新製准擬采蘭修禊遮日走京塵何雪
分陰如歲留滯留滯不似行雲難繫

二

樓

日日春風樓上不見石城雙槳駕枕夢回時燭淚
屏山相向流蕩流蕩門外白蘋溪漲

三

相見時難別易何限玉琴心意眉黛祇供愁羞見
雙鴛鴦字憔悴憔悴蠟燭銷成紅淚

四

羅綺叢中初見理鬢橫波流轉半醉不勝情簾影
猶招歌扇留戀留戀秋夜辭巢雙燕

五

雨後一分春減深院落紅如糝柳外出秋千度日
絲旗風颭銷黯銷黯門共寶奩長掩

六

柳下玉聰雙鞍蟬鬢寶鈿浮動半醉倚迷樓柳送
柳

斜陽三弄豪縱豪縱一覺揚州春夢

七

何處偷諧心賞促坐綺羅筵上不記下樓時醉解
月侵書幌懷想懷想清麗歌聲妝樣

八

江上潮回風細紅袖倚樓凝睇天際認歸舟但見
平林如蔣迢迢遞人更遠於天際

九

夢想山陰游冶深
徑碧桃花謝曲水穩
流觴暖絮芳蘭堪
籍蕭灑蕭灑月棹
煙蓑東下

鳳樓梧

挑菜踏青都過卻
楊柳風輕擺動軟
鞦索啼鳥自驚花
自落有人同在真
珠箔淡淨衣裳妝
得薄閑凭銀箏睡
鬢慵梳掠試問為
誰添瘦弱嬌羞只
把眉顰著

洛陽春

亦名窗下繡

恰見碧紗窗下繡^{目寸}豔波頻溜錯將黃暈壓檀花翠
袖掩纖纖手只待畫堂人散後^將妝勻就粉牆
西畔玉梯斜似前夜來時候

琴調相思引 送范殿監赴黃岡

終日懷歸翻送客春風祖席南城陌便莫惜離觴
頻卷白動管色催行色動管色催行色何處投
鞍風雨夕臨水驛空山驛臨水驛空山驛縱明月
相思千里隔夢咫尺勤書尺夢咫尺勤書尺

芳草渡

留征轡送離杯羞淚下撚青梅低聲問道幾時回
秦箏雁促此夜為誰排君去也遠蓬萊千里地
信音乖相思成病底情懷和煩惱尋箇便送將來

雨中花

回首揚州猖狂十載依然一夢歸來但覺安仁愁
鬢幾點塵埃醉墨碧紗猶鏤春衫白紵新裁認鳴
珂曲裏舊日朱扉閑閑青苔人非物是半餉驚
腸易斷寶勒空回徒悵望碧雲消散明月徘徊忍
過陽臺折柳難憑隴驛傳梅一番桃李迎風無語

誰是憐才

花心動

西郭園林遠塵煩門臨綠楊隄路畫楊簾長水館
簾空竟日素襟銷暑小灣紅芡清香裏深隱映風
標鴛鴦指留中相將故故背人飛去翻念多情
自苦當置酒徵歌夢雲難駐醉眼漸迷花拂牆低
誤認宋鄰偷顧綠闌倚徧平橋晚空相望凌波仙
步斷魂處黃昏翠荷雨

浪淘沙

四首

把酒欲歌驪濃醉何辭玉京煙柳欲黃時明日景
陽門外路相背春歸 歛淚復牽衣私語遲遲可
憐誰會雨心期惟有畫簾斜月見應共人知

二

一十二都門夢想能頻無言桃李幾經春豔粉鮮
香開自落還為何人 白紵別時新冉冉征塵鏡
中消瘦老於真賴有天涯風月在依舊相親

三

潮漲湛芳橋難渡蘭橈捲簾紅袖莫相招十二闌

千今夜月誰伴吹簫 煙草接亭臯歸思迢迢蘭
成老去轉無寥偏恨秋風添鬢雪不共魂銷

四

雨過碧雲秋煙草汀洲遠山相對一眉愁可惜芳
年橋畔柳不繫蘭舟 為問木蘭舟何處淹留相
思今夜忍登樓樓下誰家歌水調明月揚州

夜游宮

江面波紋皺穀江南岸草和煙綠初過寒食一百
六採蘋游嘶香裙鳴珮玉 心事偷相屬賦春恨

絲牋雙幅今夜小樓吹鳳竹謝東風寄情人腸斷
曲

憶仙姿 二首

蓮葉初生南浦兩岸綠楊飛絮向晚鯉源魚風理漁舟斷送
絲帆何處凝佇凝佇樓外一江煙雨

二

絲舫解維官柳樓上誰家紅袖團扇弄微風如為
行人招手回首回首雲斷武陵溪口

菱花怨

疊鼓嘲軒綵旗揮霍蘋汀薄晚蘭舟催解別浦潮
平小山雲斷十幅飽帆風快回想牽衣愁掩啼妝
一襟香在紉扇驚秋菱花怨晚誰共蛾黛何處
玉尊空對松陵正美鱸魚肥菜露洗涼蟾潦吞平
野三萬頃非塵界覽勝情無奈恨難招越人同載
會憑紫燕西飛史約黃鸝相待

望揚州

此詞又見秦淮海詞作長相思案
揚補之有次賀方回韻作此詞為

賀作無疑秦
詞誤收入

鐵甕城高蒜山渡闕千雲十二層樓開尊待月捲

箔披風依然燈火揚州繡陌南頭記歌名宛轉鄉
號溫柔曲檻俯清流想花陰誰繫蘭舟念淒絕
秦絃感深荆賦相望幾許凝愁殷勤裁尺素奈雙
魚難渡瓜洲曉鑑堪羞潘鬢點吳霜漸稠幸于飛
鴛鴦未老不應同是悲秋

定情曲 春愁

沈水濃薰梅粉淡妝露華鮮映春曉淺顰輕笑真
物外一種閒花風調可待合歡翠被不見忘憂芳
草擁膝渾忘羞難回身就郎抱雨點靈犀心顛倒

念樂事稀逢歸期須早五雲聞道星橋畔油壁
車迎蘇小引領西陵自遠攜手東山偕老殷勤製
雙鳳新聲定情永為好

擁鼻吟

吳音子

別酒初銷慙然弭櫂兼葭浦回首不見高城青樓
更何許大扁軻我越商巴賈萬恨龍鍾蓬下對語
指征路一山缺處孤煙起歷歷聞津鼓江豚吹浪
晚來風轉夜深雨擁鼻微吟斷腸新句粉碧羅牋
封淚寄與

思越人

京口瓜洲記夢間朱扉猶想映花關東風太是無
情思不許扁舟興盡還春水慢夕陽閒烏檣幾
轉綠楊灣紅塵十里揚州過更上迷樓一借山

青玉案

凌波不過橫塘路但目送芳塵去錦瑟華年誰與
度月橋花院冊瑣窗朱戶只有春知處碧雲冉冉
蘅皋暮綠筆空題斷腸句試問閒愁都幾許一川
煙草滿城風絮梅子黃時雨

況
於
元

清平樂 三首

吳波不動四際晴山擁載酒一尊誰與共回首江
湖舊夢長艚珠箔青篷聲鴉軋征鴻淚曉鏤
檀香枕醉眠搖況春風

二

宋鄰東畔明月闌深院玉指金徽調舊怨楚客歸
心欲斷城隅芳草初春佳期重約臨分麗句漫
題雙帶也愁繫住行雲

三

厭厭別酒更執纖纖手指似歸期庭下柳一葉西
風前後無端不繫孤舟載將多少離愁又是十
分明月照人雨處登樓

賀方回詞卷第一

賀方回詞卷二

木蘭花 二首

嫣然何啻千金價，意遠態閑難入畫。更無方便祇
尊前，說盡牽情多少話。別來樂事經春罷，枉度
佳春拋好夜。如今觸緒易銷魂，最是不堪風月下。

二

朝來著眼沙頭認，五兩竿搖風色順。佳期學取弄
潮兒，人縱無情潮有信。紛紛花雨紅成陣，冷酒
青梅寒食近。漫將江水比閑愁，水盡江頭愁不盡。

減字木蘭花 四首

春容秀潤二十四番花有信鸞鏡佳人得得濃妝
樣樣新 情無遠近水闊山長分不盡一斷音塵
淚眼花前祇見春

二

閑情減舊無奈傷春能作瘦挂楫蘭舟幾送人歸
我滯留 西門官柳滿把青青臨別手誰共登樓
分取煙波一段愁

三

多
韻

南園清夜臨水朱闌垂柳下從坐蓮花嫩盪船
泛露華酒闌歌罷雙□前愁東去也回想人家
芳草平橋一徑斜

四

多情多病萬斛閑愁量有剩一顧傾城惟覺尊前
笑不成探香幽徑好住春風誰主領來謝流鶯
欲別頻啼四五聲

攤破木蘭花 二首

南浦東風落暮潮被袂人歸相並蘭橈回身昵語

鮑參月廿日

不勝嬌猶礙華燈扇影頻搖
重泛青翰頓寂寥
魂斷高城手漫招佳期應待鵲成橋為問行雲誰
伴朝朝

二

芳草裙腰一尺圍粉郎香潤輕灑薔薇為嫌風月
下樓稀楊柳青陰深閉朱扉
枉是尊前調玉徽
絲鷺何事逐難飛楚臺賦客莫相違留住行雲好
待郎歸

南鄉子 二首

秋半雨涼天望後清蟾未破圓二十四橋游冶處
留連攜手嬌饒步步蓮眉宇有餘妍初破瓜時
正妙年玉局彈棋無限意纏絲腸斷吳蠶雨處眠

二

柳岸艤蘭舟更結束山謝氏游紅淚清歌催落景
回頭花出尊前一段愁東水漫西流誰道行雲
曾駐留無限鮮飈吹芷若汀洲生羨鴛鴦得自由

臨江仙

暫假臨淮東道主每逃歌舞華筵經年未辦買山

錢筋骸難強久坐沐猴禪
行擁一舟稱浪士五
湖春水如天越人相顧足嫣然何須繡被來伴擁
蓑眠

羅敷歌

醜奴兒

東山未辨終焉計聊爾西來花苑平臺倦客登臨
第幾回連延複道通馳道十二門開車馬塵埃
悵望江南雪後梅

點絳脣

一幅霜銷麝煤熏膩紋絲縷掩妝無語的是銷魂

處 薄暮蘭橈漾下頻
花渚風留住綠楊歸路燕
子西飛去

南歌子 二首

繡幕深朱戶薰爐小
象牀扶肩醉被冒明璫
繡履可憐分破雨鴛鴦
夢枕初回雨啼鈿半絕
妝一鉤新月渡橫塘
誰認凌波微步鞦韆香

二

心魔黃金縷捎垂白玉團
孤芳不怕雪霜寒
先向百花頭上探春寒
傍水添清韻橫牆露粉顏
夜

來和月起凭闌認得暗香微度有無聞

小重山

一葉西風生嫩涼
綠舟旗影動背斜陽
溪流幾曲似回腸
高城遠今夜為誰長
正節號清狂
芋蘿標韻美
倚新妝
月華歌調轉清商
尊酒畔
好住伴劉郎

清平樂

二首

林皋葉脫樓下清江闊
船裏琵琶金捍撥
彈斷么弦再抹
夜潮洲渚生寒
城頭星斗闌干
忍話舊

游新夢三千里外長安

二

沈侯銷瘦八韻詞新題就惆悵酒醒兼夢後帶眼如
何復舊幾時一葉蘭舟畫橈啞軋東流新市小
橋西畔有人長倚妝樓

木蘭花

羅襟粉汗和香浥纖指留痕紅一捻離亭再卜合
歡期尋見石榴雙翠葉危樓欲上危腸怯縱得
鸞膠難寸接西風燕子會來時好付小牋封淚帖

玉連環 一落索

別酒更添紅粉淚。促成愁醉。相逢淺笑。合微吟。撩
惹到纏絲地。花下解攜重。附耳佳期。深記青翰
舟穩。繡衾香。誰禁斷東流水。

惜奴嬌

玉立佳人。韻不減吳蘇。小賦深情。華年韶妙。疊鼓
新歌。最能作江南調。縹緲似陽臺嬌。雲弄曉。有
客臨風。夢後擬池塘草。竟裝懷。滑愁多少。綠綺芳
尊映花月。東山道。正要箇卿卿。嫣然一笑。

驀山溪

畫橋煙水宛是南州路轉柁綠楊灣恍然聞青樓
回處回腸斷盡猶剩爾多愁記新聲懷昵語依約
封眉宇 鞦羅香在祇欠蓮隨步無物比朝雲恨
難續高唐後賦迢遙此夜泪枕不成眠月侵窗燈
映戶應見可憐許

琴調瑤池燕

瓊鉤褰幔秋風觀漫漫白雲聯度河漢長宵半華
星爛爛何時旦 命閨人金徽重按商聲彈依稀

廣陵清散低眉歎危弦未斷腸先斷

西江月

攜手看花深徑扶肩待月斜廊臨分少佇已悵悵
此段不堪回想欲寄書如天遠難消夜似年長
小窗風雨碎人腸更在孤舟枕上

攤破木蘭花

桂葉眉叢恨自成錦瑟弦調雙鳳和鳴釵梁玉勝
挂蘭纓簾影沈沈月墜參橫屏護文茵翠織成
摘珮牽裾燕樣腰輕清溪百曲可憐生大抵新歡

此夜□情

點絳脣

十二層樓夢回縹緲非煙裏此情何寄賴爾荆江水
莫謂東君觸處逢桃李留深意溫柔鄉裏自有終焉計

訴衷情 二首

不堪回首卧雲鄉羈宦負清狂年來鏡湖風月魚
鳥兩相忘秦塞險楚山蒼更斜陽畫橋流水曾
見扁舟幾度劉郎

二

半銷檀粉睡痕新
背鏡照櫻脣
臨風再敬團扇深
意屬何人
輕調笑淺凝顰
認情親
最難堪
酒似
不勝情
依樣傷春

怨春風

玉津春水如藍宮
柳繆繆橋上東風側
帽簷記佳
節約是重三
飛樓十二珠簾恨
不貯當年采蟾
對夢雨廉纖
愁隨芳草綠徧江南

醉春風

此抄作期候

又心楚、校

又心懷寂

樓外屏山秀凭闌新夢後歸雲何許誤心期候候
候到隴梅花渡江桃葉斷魂招手 楚製汗衫舊
啼妝曾枕袖東陽詠罷不勝情瘦瘦瘦隋岸傷離
渭城懷遠一枝煙柳

憶秦娥 四首

曉朦朧前溪百鳥啼忽忽啼忽忽凌波人去拜月
樓空 去年今日東門東鮮妝輝映桃花紅桃花
紅吹開吹落一任東風

情
能事

風驚幕燈前細雨簷花落簷花落玉臺清鏡淚淹
妝薄良時不再須行樂王孫莫負東城約東城
約一分春色為君留著

三

著春衫玉鞭鞭馬南城南城南柔條芳草留駐
金銜粉娥採葉供新蠶饑飢飢略許攜纖纖攜纖
纖滿裙淇上更待初三

四

三更月中庭恰照梨花雪梨花雪不勝淒斷杜鵑

乾抄心共飲

啼血 王孫何許音塵絕柔柔陌上春聲別春聲
別隴頭流水替人嗚咽

河滿子

每恨相逢薄處可憐欲去遲回猶記新聲國扇殷
勤再引餘杯為問依依楊柳秋風好住章臺疎
雨忽隨雲斷斜陽卻送潮回桃葉青山長在眼幾
時雙楫迎來如待碧闌紅藥一年雨度花開

御街行 別東山

松門石路秋風掃似不許飛塵到雙攜纖手別煙

蘿紅粉清泉相照幾聲歌筦正須陶寫翻作去傷
心調 巖陰暝色歸雲悄恨易失千金笑更逢何
物可忘憂為謝江南芳草斷橋孤驛冷雲黃葉想
見長安道

連理枝

繡幌閑眠曉處處聞啼鳥枕上無情斜風橫雨落
花多少想瀟橋春色老於人恁江南夢杳 往事
今何道聊詠池塘草懷縣年來蕭蕭壯髮可堪頻
照賴醉鄉佳境許徘徊緜惜歸歟不早

攬

金鳳鉤

江南人歎流寓指芳物伴人遲暮攬晴風絮弄寒
煙雨春去更無尋處石城樓觀青霞舉想艇子
寄誰容與斷雲荆渚限潮湓浦不見莫愁歸路

芳洲泊

踏莎行

露葉栖螢風枝裊鵲水堂離燕褰珠箔一聲橫玉
吹流雲厭厭涼月西南落江際吳邊山侵楚角
蘭橈明夜芳洲泊殷勤留語采香人清尊不負黃
花約

水調歌頭

彼美吳姝唱繁會闔閭邦千坊萬井斜橋曲水小
軒窗縹緲關山臺觀羅綺雲煙相半金石壓根撞
癡信東歸虜黑自死心降 范夫子高標韻秀眉
龐功成長往有人同載世無雙物外聊從吾好賴
爾工顰妍笑伴醉玉連缸儘任扁舟路風雨捲秋
江

攤破浣溪沙

曲磴斜闌出翠微西州回首思依依風物宛然長

在眼祇人非 綠樹隔巢黃鳥並
滄洲帶雨白鷗飛
多謝子規啼 勸我不如歸

江南曲

踏莎行

蟬韻清弦溪橫翠縠翩翩采鷁帆
開幅黃簾絳幕掩香風當筵粲粲人如玉
淺黛凝愁明波轉矚蘭情似怨臨行促
不辭寸斷几回腸殷勤更唱江南曲

又

亦名瀟瀟雨

鴉軋齊梳影
蓼疊鼓浮驂
晚下金牛渚
莫愁應自

有愁時蓬窗今夜瀟瀟雨
杜若芳洲芙蓉別浦
依依豔笑逢迎處
隨潮風自石城來
潮回好寄人
傳語

又
亦名度新聲

小苑浴蘭微波寄葉石城回首山重
沓綺窗煙雨
夢佳期飛霞艇子雕檀楫
樓迥披襟廊長響屨
供愁麝月眉心帖
紫簫閑捻度新聲
有人偷倚闌
干拍

樓下柳
尺香

裝鮑松

觴鮑松

滿馬京載寰懷春思翩然笑度江南白鷺芳洲青
蟾雕艦勝游三月初三舞裙濺水浴蘭佩綠染纖
纖歸路要平同步障迎風會捲珠簾離腸未容
半酣恨烏檣已張去輕颿秋鬢重來淮上幾換新
蟾樓下曾看細柳正搖落清霜拂畫簷樹猶如此
人何以堪

吳門柳 漁家傲

窈窕盤門西轉路殘陽映帶青山暮最是長楊攀
折苦堪憐許清霜翦斷和煙縷春水歸期端不

負依依照影臨南浦
留取木蘭舟少住
無風雨黃昏月上潮平去

又 亦名游仙詠

嘯度萬松千步嶺
錢湖門外非塵境
見底碧漪如眼淨
嵐光映鏡屏百曲新磨瑩
好月為人重破暝
雲頭豔豔開金餅
傳語桂娥應耐靜
堪乘興尊前聽我游仙詠

雁後歸 亦名臨江仙 人日席上作

巧翦合歡羅勝子
釵頭春意翩翩豔
歌淺拜笑嬌

是鮑抄

然願郎宜此酒行樂駐華年
未至文園多病客
幽襟淒斷堪憐舊游夢挂碧雲邊
人歸落雁後思發在花前

又亦名想娉婷

鴉背夕陽山映斷綠楊風掃津亭月生河影帶疎
星青松巢白鳥深竹逗流螢
隔水綠舟燃絳蠟
碧窗想見娉婷浴蘭薰麝助芳馨
湘弦彈未半淒怨不堪聽

又亦名採蓮回

鮑參煥字伯艇作艇

翡翠樓高簾幙薄溫家小玉妝臺畫眉難稱怯人
催羞從面色起嬌逐語聲來門外木蘭花艇子
垂楊風掃纖埃平湖一鏡綠萍開緩歌輕調笑薄
暮採蓮回

駕鶴夢

亦名臨江仙

午醉厭厭醒自晚駕鶴春夢初驚閑花深院聽啼
鶯斜陽如有意偏傍小窗明莫倚雕闌懷往事
吳山楚水縱橫多情入柰物無情閑愁朝復暮相
應雨潮生

念絲雲 亦名夜游宮

流水蒼山帶郭尋塵迹宛然如昨猶記黃花攜手
約誤重來小庭花空自落不怨蘭情薄可憐許
絲雲漂泊紫燕西飛書漫託碧城中幾青樓垂畫
幕

燭影搖紅

波影翻簾淚痕凝蠟青山館故人千里念佳期襟
玳如相款惆悵更長夢短但衾枕餘芬賸暖半
窗斜月照人腸斷啼鳥不管

小重山

花院深疑無路通
碧紗窗影下玉芙蓉
當時偏恨五更鐘
分攜處斜月小簾櫳
楚夢冷沈蹤
一雙金縷枕半牀
空畫樓臨水鳳城東
樓前柳憔悴幾秋風

綠頭鴨

玉人家畫樓珠箔臨津
託微風絲簫流怨斷腸馬
上曾聞燕堂開豔妝
叢裏調琴思認歌顰
麝蠟煙濃玉蓮漏短
更衣不待酒初醒
繡屏掩枕鴛相就

香氣漸暎暎回廊影疎鍾淡月幾許銷魂翠釵
分吟牋封淚舞鞵從此生塵住蘭舟載將離恨轉
南浦背西曛記取明年薔薇謝後佳期應未誤行
雲鳳城遠楚梅香嫩先寄一枝春青門外祇憑芳
草尋訪郎君

減字浣溪沙 十五首

秋水斜陽演漾金遠山隱隱隔平林幾家邨落幾
聲砧記得西樓凝醉眼昔年風物似如今只無
人與共登臨

二

三扇屏山市象牀背燈偷解素羅裳粉肌和汗自
生香 易失舊歡勞蝶夢難禁新恨費鶯腸今宵
風月雨相忘

三

鼓動城頭啼暮鴉過雲時送雨些些嫩涼如水透
窗紗 弄影西廂侵戶月分香東畔拂牆花此時
相望抵天涯

四

鮑校記得改夢想

鮑校箇心一掃箇

煙柳春梢蘸暈黃
井闌風綽小桃香
覺時簾幕又斜陽
望處定無千里眼
斷來能有幾迴腸
少年禁取恁淒涼

五

記得西池草路邊
玉鞍驕馬小韁鉸
春風十里闌嬋娟
臨水登山漂泊地
落花中酒寂寥天
箇般情味已三年

六

逆燭啼痕怨漏長
吟蛩隨月到回廊
一屏煙景畫

滿湘 連夜斷無行雨夢隔年猶有著人香此情
須信是難忘

七

閑把琵琶舊譜尋四絃聲怨卻沈吟燕飛人靜畫
堂深 欹枕有時成雨夢隔簾無處說春心一從
燈夜到如今

八

鸚鵡無言理翠襟杏花零落畫陰陰畫橋流水半
篙深 芳徑與誰尋闌草繡牀終日罷拈鍼小牋

香管寫春心

九

鸚鵡驚人促下簾
碧紗如霧隔香奩
雪兒窺鏡晚蛾纖
烏鵲橋邊河絡角
鴛鴦樓外月西南
門前嘶馬弄金銜

十

宮錦袍薰水麝香
越紗裙染鬱金黃
薄羅依約見明妝
繡陌不逢攜手伴
綠窗誰是畫眉郎
春風十里斷人腸

非
鈿抄

十一

青翰舟中被襖筵粉蛾窺影雨神仙酒闌飛去作
飛煙 重訪舊游人不見雨荷風暮夕陽天折花
臨水思茫然

十二

浮動花釵影鬢煙淺妝濃笑有餘妍酒醺檀點語
凭肩 留不住時分鈿鏡舊曾行處失金蓮碧雲
芳草恨年年

十三

雨點春山一寸波。當筵嬌甚不成歌。動人情態可
須多。金井露寒風下，葉畫橋雲斷。月侵河狀狀。
此夜奈愁何。

十四

清淺陂塘藕葉乾。細風疎雨鷺鷥寒。半垂簾幕倚
闌干。惆悵竊香人不見，幾回憔悴後庭蘭。行雲
可是渡江難。

十五

樓角初銷一縷霞。澹黃楊柳暗棲鴉。玉人和月摘

梅花 笑然粉香歸洞戶更垂簾幙護窗紗東風
寒似夜來些

琴調相思引

團扇單衣楊柳陌花似春風□無迹賴白玉香匳
供粉澤借秀色添春色借秀色添春色 雲幕華
燈張綺席半醉客留醒客半醉客留醒客漸促膝
傾鬟琴差拍問此夕知何夕問此夕知何夕

賀方回詞卷第二

咸豐壬子七月丹鉛校影鈔